

RAPORTI I KONSULTIMIT PUBLIK TË PLANIT KOMBËTAR PËR INTEGRIMIN EVROPIAN 2021-2023 (PKIE 2021-2023)

Draft Akti/Dokumenti i Politikës:

Projektvendimi i Këshillit të Ministrave synon miratimin e Planit Kombëtar për Integrimin Evropian 2021 – 2023 (PKIE 2021-2023). PKIE 2021 – 2023 do të shërbejë si instrument i planifikimit dhe monitorimit të detyrimeve që rrjedhin nga Marrëveshja e Stabilizim-Asociimit dhe i procesit të anëtarësimit të Republikës së Shqipërisë në Bashkimin Evropian.

Gjithashtu PKIE 2021 – 2023 është plani i përafrimit të legjislacionit shqiptar me legjislacionin e Bashkimit Evropian, por jo vetëm. PKIE është edhe plani i përafrimit të standardeve të BE-së, nëpërmjet dokumenteve strategjike legjislative, si dhe i masave zbatuese, institucionale/administrative/financiare, të legjislacionit të përafuar, në funksion të ecurisë së negociatave të anëtarësimit në Bashkimin Evropian si dhe do të shërbejë si instrument i planifikimit të plotësimit të detyrimeve të lindura nga Marrëveshja e Stabilizim-Asociimit. Masat zbatuese mbështetëse, të tilla si përkthimi i legjislacionit, trajnime, forcim kapacitetesh administrative (shtesa personeli, etj.), investime, logjistike, etj., do të përfshihen gjithashtu në Planin Kombëtar për Integrimin Evropian.

Në fazën e re në të cilën ndodhemi, hapja e negociatave të anëtarësimit, hartimi i planit të përafrimit të legjislacionit kombëtar me atë Evropian dhe masave administrative/institucionale dhe financiare për zbatimin e tij në praktikë është një domosdoshmëri për nxitjen e procesit të integritimit Evropian të Shqipërisë.

Kohëzgjatja e Konsultimit:

Konsultimi publik i projektvendimit të Këshillit të Ministrave “Për miratimin e Planit kombëtar për Integrimin Evropian 2021-2023” ka patur një kohëzgjatje 20 ditë pune nga momenti i shpalljes në regjistrin elektronik të konsultimeve publike. Projektakti u shpall për konsultim në datë 19.1.2021 dhe afati i fundit ishte data 15.2.2021. Nuk ka patur konsultime gjatë fazës së hartimit të këtij dokumenti.

Aktivitetet e Konsultimit:

Nisur nga praktika e viteve të kaluara Plani Kombëtar për Integrimin Evropian ka patur si aktivitet kryesor për pjesën e konsultimit publik organizimin e takimeve publike, të hapur për çdo person të interesuar (individ, ekspert apo organizatë) në procesin e konsultimit publik të PKIE-së. Metoda e njoftimit për organizimin e takimit publik kryhej nëpërmjet faqes zyrtare të Ministrisë për Evropën dhe Punët e Jashtme (MEPJ) si dhe gjithashtu MEPJ ka njoftuar me postë elektronike të gjitha kontaktet e shoqërisë civile, ekspertëve që disponon për datën e konsultimit publik duke e konsideruar dhe si një ftesë për pjesëmarrje. Në kushtet e një situatë pandemie të shkaktuar nga virusi Covid-19 si dhe në kuadër të masave shtrënguese të marra për parandalimin e tij, këtë vit konsultimi publik i PKIE 2021-2023 u krye vetëm nëpërmjet regjistrit elektronik të konsultimit publik.

Aktorët e përfshirë:

Konsultimi publik për PKIE 2021-2023 në regjistrin elektronik të konsultimit publik të projektakteve ishte një konsultim i hapur për çdo individ apo organizatë e interesuar për procesin e integrimin Evropian për të dhënë mendim apo sugjerime mbi projektaktin.

Komentet dhe Propozimet e marra:

Gjatë periudhës të konsultimit në regjistrin e konsultimit publik të Planit Kombëtar për Integrimin Evropian 2021-2023, kanë treguar interes në leximin e dokumentit afërsisht 169 individ, por nuk ka patur komente apo sugjerime.

Nisur nga praktika e viteve të kaluara takimet publike kanë patur më shumë efikasitet në mbledhjen e mendimeve apo sugjerimeve mbi projektaktin. Sikurse është cituar dhe më lart, këtë vit situata e pandemisë dhe masave shtrënguese në këtë kuadër, nuk e mundësuan konsultimin publik të PKIE 2021-2023 nëpërmjet takimeve publike sikurse ka ndodhur në vitet e kaluara.

Takimet publike mbi konsultimin publik të PKIE-së janë kryesuar nga nivele të larta drejtuese të Ministrisë për Evropën dhe Punët e Jashtme dhe pjesë përbërëse e tij ka qenë dhe stafi i MEPJ-së që është marrë me koordinimin e planifikimit të Planeve Kombëtare për Integrimin Evropian.

Plani Kombëtar për Integrimin Evropian është një dokument strategjik voluminoz dhe për këtë arsye gjatë takimeve publike të konsultimit Ministria për Evropën dhe Punët e Jashtme ka prezantuar një përmbledhje mbi çështjet më kryesore që trajton Plani Kombëtar për Integrimin Evropian. Në këtë kuadër përfaqësuesit e grupeve të interesit apo individët e interesuar pjesëmarrës në takim, kanë patur mundësinë e një prezantimi të dokumentit strategjik që ka derivuar në diskutime të ndërsjellta mbi projektaktin duke krijuar mundësinë e dhënies të komenteve apo sugjerimeve të ndryshme nga pjesëmarrësit mbi projektaktin.

Përgatiti: Ministria për Evropën dhe Punët e Jashtme